

DESKRISAUN BA POZISAUN

VSLA and Agribusiness Project Officer

Titulu pozisaun	VSLA and Agribusiness Project Officer
Lokalizaun	Ainaro (pozisaun 3), Ermera (pozisaun 3) no Manatuto (pozisaun 1)
Relata ba	Senior VSLA and Agribusiness Project Officer
Grau	Grau 4 step 1
Salariu	US \$595 kada fulan
Tipu pozisaun	Tinan 1
Data komesa/durasaun	1 Abril, 2023

1. Konaba CARE Internasionál iha Timor-Leste

1.1 Konaba CARE

CARE hanesan organizasaun internasionál ba dezenvolvimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezenvolvimentu ne'ebé sustentavel.

Asegura moris di'ak no rona fetu no labarik fetu sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Fetu sira-nia Ekonómia, Saúde no promove Fetu sira-nia Lian iha sosiedade liu husi programa dezenvolvimentu no umanitariu sira.

1.2 Konaba programa

CARE Internasionál iha Timor-Leste atu implementa estensaun ba Programa Edukasaun no Nutrisaun – HATUTAN, ho finansiametu husi governu amerikanu liu Departamentu Agrikultura Estados Unidos (USDA). Programa HATUTAN atu hari'i pareseria entre eskola ho ninia komidade hodi apoiu labarik sira aprende lee, no hadi'ak pratika saúde (nutrisaun no ijiene ba labarik no adultu sira iha munisípiu ka rejiaun Ainaro, Ermera, Oé-cusse no Manatuto. Ministériu Edukasaun, Juventude no Desportu (MEJD) mak lidera parseiru governu nian ho HATUTAN atu hametin labarik nia abilidade lee iha pré-eskola no ensinu báziku, apoiu ba nutrisaun no hala'o

implementasaun kompletu ba governu nia programa merenda eskolár. Programa HATUTAN mos servisu iha kolaborasaun ho Ministériu Saúde (MS), Ministériu Administrasaun Estatal (MAE) no Ministériu Agrikultura no Peskas (MAP).

2. Knaar

KNAAR SENTRÁL POZISAUN: Pozisaun nu'udar Ofisiál Projetu *Village Savings and Loans Association- VSLA*, (Asosiasaun Grupu Rai no Empresta Osan) no Agro-Negósiu nian sei apoia ba programa atu hasa'e kapasidade ekonómiku uma-kain nian hodi fornese hela-fatin (uma) ne'ebé seguru, saudavel no nakonu ho kontente ba moris no susesu família sira nian. Sei permite família sira atu komprende no prátika nutrisaun di'ak no ijiene iha uma ho espasu ne'ebé livre husi ta'uk no violénsia. Permite família sira atu investe ba edukasaun oan sira nian; hasa'e abilidade to'os-na'in sira nian atu mobiliza kapitál (osan-inan) no haboot liután produsaun iha to'os. Ida ne'e envolve mobilizasaun no treinamentu ba membru comunidade sira, liu-liu feto sira, atu forma ka hametin Asosiasaun Grupu Rai no Empresta Osan (VSLA) iha comunidade eskolár sira ne'ebé sai alvu ba HATUTAN.

Objetivu prinsipál husi pozisaun ne'e mak atu dezenvolve no implementa atividade ligadu ho Grupu Rai no Empresta Osan inklui matadalan no treinamentu ba formasaun Grupu ne'ebé susesu ona, hala'o Avaliasaun Rápido ba Atividade Ne'ebé Hamosu Rendimentu, treinamentu benefisiáriu nian konabá negósiu ki'ik hodi aumenta sira nia abilidade atu hetan rendimentu. Ofisiál Projetu VSLA no Agro-negósiu sei asegura vizita regulár atu monitoriza atividade sira no halo relatóriu tuir tempu.

RESPONSABILIDADE: Fasilita Atividade Grupu-Rai-Empresta-Osan no Agro-Negósiu nia planeamentu, organizasaun no jestaun (25%)

- Hasa'e konsiénsia konabá Grupu-Rai-Empresta-Osan no atividade atu hetan rendimentu iha comunidade eskolár sira no lider lokál iha área alvu sira.
- Dezenvolve planu serbisu atu asegura efetividade implementasaun; treinamentu ba abilidade agro-negósiu no Grupu-Rai-Empresta-Osan nian no atividade relevante sira.
- Motiva individuál sira atu forma Grupu-Rai-Empresta-Osan no fasilita identifikasaun no formasaun grupu sira ne'ebé liga direta ba comunidade eskola primária alvu sira.
- Fasilita identifikasaun no formasaun grupu sira atu bele hetan rendimentu entre partisipante sira programa nian.
- Identifika oportunidade sira ba foin-sa'e atu hahú sira-nia Grupu-Rai-Empresta-Osan rasik no/ka grupu produsaun agrikultura.
- Atualiza nafatin ho informasaun dezenvolvimentu nian no asuntu sira konabá hetan rendimentu, negósiu ki'ik, Grupu-Rai-Empresta-Osan, no dezenvolvimentu komunitária iha Timor-Leste.

Konsellu Tekniku no Dezenvolve Abilidade (30%)

- Fasilita estabesimentu Grupu-Rai-Empresta-Osan entre benefisiáriu sira.
- Fornese treinamentu ba benefisiáriu sira konabá metodolojia Grupu-Rai-Empresta-Osan, inklui arranju no lideransa grupu nian, avaliasaun rápido ba atividade sira ne'ebé hetan rendimentu.

- Organiza no monitoriza estabelesimentu Grupu-Rai-Empresta-Osan ho atensaun partikulár ba partisipasaun no lideransa fetu sira nian.
- Observa no monitoriza Grupu sira konabá sosa ativu sira, kontribuisaun sosiál, empresta no selu empréstimu atu aseguara dokumentasaun própriu no rejistu prosedimentu Grupu nian.
- Asegura aprovizionamentu tuir tempu no distribuissau ekipamentu ho kualidade no kuantidade loloos.
- Identifika kapasidade tékniku no dezafiu ba benefisiáriu sira, abilidade no koñesimentu sira-nian konabá hetan rendimentu, atividade okupasaun moris, Grupu-Rai-Empresta-Osan no atividade negósiu sira.
- Identifika no fornese treinamentu ba Treinadór Komunitade iha nivel komunitade atu hanorin no fornese akonsellamentu ba membru Grupu-Rai-Empresta-Osan sira.
- Asiste atu rezolve konfliktu iha membru Grupu-Rai-Empresta-Osan nia-laran no motiva ema atu halo advokasia rasik.

Monitorizasaun, Avaliasaun, Aprendizjen no Prepara Relatóriu (30%)

- Hala'õ vizita verifikasaun regulár ba Grupu-Rai-Empresta-Osan no sira-nia grupu hetan rendimentu nian atu aseguara aplikasaun pratika di'ak sira no fornese akonsellamentu tékniku.
- Identifika progresu Grupu-Rai-Empresta-Osan nian, grupu hetan rendimentu, no mantein rejistu.
- Partisipa iha monitorizasaun progresu ba norma sosiál no jéneru ruma ne'ebé ho karakter diskriminatóriu.
- Hala'õ enkontru trimestrál ho grupu benefisiáriu sira atu avalia dezempeñu iha nivel komunitade no programa.
- Fasilita koleasaun dados konabá grupu sira, membru grupu, no maneja informasaun ba Ofisiál Senior Projetu VSLA no Agro-Negósiu no Ofisiál Monitorizasaun no Avaliasaun nian.
- Apoia preparasaun planu monitorizasaun ba Grupu-Rai-Empresta-Osan no sira nia rendimentu atu sukat sira-nia progresu rasik.
- Konsolida no hakerek relatóriu mensál, trimestrál no anuál, inklui istória susesu sira no lisaun hirak ne'ebé hetan.
- Revee dados monitorizasaun ka relatóriu terrenu nian atu reflète konabá lisaun hirak ne'ebé aprende ona no halo melloramentu ba HATUTAN ninia apoiu ba membru Grupu-Rai-Empresta-Osan sira ka grupu to'os-na'in sira.
- Fahe esperiénsia ho organizasaun sira seluk ka grupu hirak ne'ebé promove pratika Grupu-Rai-Empresta-Osan nian.
- Komunika aprendizajen sira ne'ebé fó sai susesu xave sira ho foku ba impaktu/rezultadu husi Grupu-Rai-Empresta-Osan ba membru grupu marjinalizadu sira.

Kria rede profesionál no Tarefa seluk (15%)

- Fasilita no liga membru sira husi Grupu-Rai-Empresta-Osan no Grupu Hetan Rendimentu nian ba treinamentu sira konabá abilidade mak hanesan literasia no numériku báziku, asuntu finanseira uma-kain nian, literasia finanseira, jestaun risku no planeamentu.
- Fasilita no liga emprestador sira no membru sira husi Grupu-Rai-Empresta-Osan no Hetan Rendimentu nian ba atividade dezvoltamentu ekonómiku no aumenta rendimentu nian.
- Asegura katak iha balansu ba representasaun jéneru entre partisipante programa nian, no fetu sira, foin-sa'e no ema ho defisiénsia mós inklui hotu.

- Halo ligasaun ho pesoál okupasaun moris (Livelihoods) nian no parseiru sira ba treinamentu abilidade negósiu nian, atividade atu hetan rendimentu, Grupu-Rai-Empresta-Osan no Livelihoods (okupasaun moris).
- Representa HATUTAN iha Grupu Traballu ba setór Livelihoods, Reziliénsia no Seguransa Ai-han iha nivel Munisípiu ka Rejionál.

RESPONSABILIDADE SIRA SELUK:

- Hala'ó knaar tuir mandatu husi supervizór.
- Partisipa iha preparasaun emerjénsia no asiste iha resposta emerjénsia ruma bainhira presiza.
- Promove ambiente serbisu ne'ebé seguru no saudavel; haburas kultura konxiénsia konabá seguru no seguransa no halo tuir beibeik CARE nia polítika seguru no seguransa, prosedimentu no diretiva sira tomak.
- Hatudu kompromisu ba igualdade jéneru, diversidade no protesaun ba labarik.

3. Kriteria ba selesaun

EXPERIÉNSIA NO KUALIFIKASAUN:

- Lisensiadu Universidade iha área Ekonomia Agrícola, Estudu Dezenvolvimentu, Estudu Negósiu, Ekonomia, Siénsia Sosiál ka ekivalente ho mínimu tinan 3 esperiénsia servisu iha agrikultura relasionadu agro-negósiu no aumenta rendimentu grupu rurál. (Opsaun seluk: Kompleta eskola sekundáriu ho mínimu tinan 5 esperiénsia servisu relevante.)
- Esperiência iha metodolojia Grupu-Rai-Empresta-Osan, aumenta rendimentu grupu rurál, no microfinansa.
- Esperiência fasilidadór no formador, ho abilidade prepara material ensinu rasik.
- Komprensaun konabá barreira poténsial jéneru nian iha agro-negósiu no abilidade rai osan nivel uma-kain.
- Abilidade komunikasaun rona no ko'alia iha Lian Tetun.
- Abilidade kompreende no ko'alia lian lokál iha área tarjetu sai vantajen.
- Vontade viajen no hela iha fatin programa nian mak rurál no remota ho dalan asesu ne'ebe aat no dalaruma tenke la'ó ho ain deit.
- Abilidade servisu mesak ho mínimu supervisaun, atije rezultadu no fó motivasaun ba ema seluk.
- Esperiência servisu iha organizasaun naun-governmentál hamutuk ho comunidade rural no autoridade lokál.
- Abilidade uza komputadór ho programa komún.
- Abilidade di'ak ho matemátika no numeriasia.